



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

**Komisija za finansijske
i administrativne poslove**

**Broj: 02/3-011-200/01
Sarajevo, 18.4.2001.**

Bosna i Hercegovina
PARLAMENTARNA SKUPŠTINA

Primljeno:	07.08.2001		
Broj	Prilog	Vrijednost	
023-011-200/01			

ZAPISNIK

3. sjednice Komisije za finansijske i administrativne poslove
Doma naroda Parlamentarne skupštine Bosne i Hercegovine
održane 18. 4. 2001.

3. sjednicu Komisije za finansijske i administrativne poslove Doma naroda Parlamentarne skupštine Bosne i Hercegovine sazvaio je predsjedatelj Komisije Jerko Ivanković.
Pored predsjedatelja Komisije na sjednici su bili: Momčilo Novaković, Šefik Džaferović, Dragutin Ilić i Munib Jusufović.
Na sjednici nije bio Ilija Šimić koji je opravdao izostanak.
Sjednicom je predsjedao predsjedatelj Komisije Jerko Ivanković.
Za sjednicu je predložen sljedeći

DNEVNI RED

1. Usvajanje Zapisnika Konstituirajuće sjednice Komisije;
2. Usvajanje zapisnika 2. sjednice Komisije;
3. Informacija o zaduženosti BiH na dan 30.6.2000.;
4. Sporazum o razvojnom kreditu (Projekat vodoopskrbe i kanalizacije za Mostar) između BiH i Međunarodne asocijacije za razvoj;
5. Sporazum između Vlade Kraljevine Belgije i Vijeća ministara BiH o davanju finansijske pomoći Vlade Kraljevine Belgije Vijeću ministara BiH;
6. Sporazum o promicanju i zaštiti investicija između Bosne i Hercegovine i Vlade Republike Finske;
7. Sporazum o promicanju i zaštiti investicija između Bosne i Hercegovine i Švedske;
8. Okvirni sporazum o zajmu između Banke za razvitak Vijeća Europe i Bosne i Hercegovine za projekat vodoopskrbe Tuzle;

9. Ugovor o financiranju između BiH i Europske investicione banke broj:20.515 – Projekat za ceste u BiH;
10. Program rada Doma naroda;
11. Razno

Dnevni red usvojen je jednoglasno

- AD 1. Usvajanje Zapisnika Konstituirajuće sjednice Komisije**
AD 2. Usvajanje zapisnika 2. sjednice Komisije

Zapisnici Konstituirajuće i 2. sjednice Komisije su usvojeni uz konstataciju da je izaslanik Šefik Džaferović bio na 2. sjednici Komisije.

AD. 3. Informacija o zaduženosti BiH na dan 30.6.2000.

Informacija je primljena k znanju uz konstataciju da je neophodno voditi računa na koji način se troši novac i gdje se ulaže novac kredita kako Bosna i Hercegovina ne bi došla u situaciju da se prezaduži.

AD. 4. Sporazum o razvojnom kreditu (Projekat vodoopskrbe i kanalizacije za Mostar) između BiH i Međunarodne asocijacije za razvoj

AD. 5. Sporazum između Vlade Kraljevine Belgije i Vijeća ministara BiH o davanju finansijske pomoći Vlade Kraljevine Belgije Vijeću ministara BiH

AD. 6. Sporazum o promicanju i zaštiti investicija između Bosne i Hercegovine i Vlade Republike Finske

AD. 7. Sporazum o promicanju i zaštiti investicija između Bosne i Hercegovine i Švedske

AD. 9. Okvirni sporazum o zajmu između Banke za razvitak Vijeća Europe i Bosne i Hercegovine za projekat vodoopskrbe Tuzle

AD. 10. Ugovor o financiranju između BiH i Europske investicione banke broj:20.515 – Projekat za ceste u BiH

Članovi Komisije nalaze da je otežavajuća okolnost neprisustvovanje sjednici Komisije predstavnika podnositelja sporazuma i Ugovora, zbog čega nije bilo moguće dobiti relevantne odgovore na pitanja koja su članovi Komisije imali namjeru postaviti.

Članovi Komisije zaključili su da je neophodna nazočnost predstavnika predlagača za sve materijala i akte koje treba da razmatra, te da će se, ukoliko sjednicama Komisije ne bude nazočan predstavnik predlagača, Komisija koristiti ovlastima koja su su joj data člankom 80.2. Poslovnika Doma naroda, odnosno da neće razmatrati te materijale i akte.

Imajući u vidu žurnost donošenja odluka o davanju suglasnosti za ratificiranje sporazuma i Ugovora članovi Komisije su se suglasili da se predloži Domu naroda Parlamentarne skupštine BiH da donese odluke o davanju suglasnosti za ratificiranje svih sporazuma i Ugovora.

AD. 11. Program rada Doma naroda

Dat je prijedlog da predsjedatelj Komisije napravi Prijedlog programa rada Komisije koji će do naredne sjednice dostaviti svim članovima Komisije. Predsjedatelj Komisije je također predložio da i svi članovi Komisije dostave predsjedatelju Komisije svoje prijedloge koji bi se ugradili u taj Program rada. Istovremeno je dogovoreno da za Program rada Doma naroda članovi Komisije, do naredne sjednice Komisije, daju svoje prijedloge.

AD. 11. Razno

Na Komisiji je dogovoreno da se Domu naroda predloži Zaključak o profesionalizaciji izaslanika koji to žele, te da Dom naroda donese takav Zaključak sukladno članku 12. 2. Poslovnika Doma naroda.

Da se traži od Kolegija Doma naroda da se u što kraćem roku osiguraju tehnički uvjeti za rad komisija Doma naroda (raspisati natječaj za tajnike komisija, tehnička oprema- računari, snimanje sjednica i sl.).

Da se za 4. sjednicu pripreme preslike svih odluka koje su donijele administrativne komisije oba doma iz prethodnog saziva, kao i Odluku i Pravilnik o organizaciji Tajništva Parlamentarne skupštine BiH.

Zbog nepopunjenosti službe Doma naroda Parlamentarne skupštine BiH nismo u mogućnosti da na sva tri jezika dostavljamo Zapisnik sa sjednice Komisije. Molimo Vas da ovo uzmete u obzir. Kada se popuni stručna služba Doma naroda zapisnike ćete redovno dobijati na Vašem jeziku.

Da se od 1.6.2001. do 1.12.2001., kao probni model, za zaposlene u Domu naroda uvede dnevna evidencija o radu i utrošku radnog vremena kako bi se moglo ustanoviti racionalno korištenje radnog vremena i adekvatno nagraditi zaposlene za njihov rad.

Predsjedatelj komisije
Jerko Ivanković v.r.